

« servé aux Saints que l'Eglise a placés sur les
« autels » (1).

8. Neque ullum aequè cultus vestigium inventum est in aedicula ubi V. S. D. exuviae custodiantur, quemadmodum ex judiciali visitatione patuit. Interrogati enim fuerunt duo testes illius custodes, qui sincere deposuerunt nec circa V. S. D. sepulchrum in praedicta aedicula, vel alibi, nunquam aliquid factum esse quod publicum ecclesiasticumque cultum erga eundem redoleat (2). « Sarcophagus Ven. « Servi Dei (uti legitur in sepulchri descriptione) « situs est in Capella publica Seminarii Quebecensis « et proprie sub Choro dictae Capellae in camera « lapideis fornicibus vineta ad hoc specialiter cre- « ta, cujus janua maceria obstruitur: trium pedum « est latitudo hujus camerae; quatuor pedum cum « dimidio altitudo, et undecim pedum longitudo. « *Nulla nunc temporis extat inscriptio* » (3). Iudex autem cum Sub-Promotoribus, omnibus diligenter inspectis in ea Capella atque in Sacratio, recognoverunt « neque in Capella neque in Sacratio extare « statuas et picturas dicti Servi Dei, neque tabel- « las votivas, donaria, lampades, cereos, inscriptio- « nes, epitaphia quae cultum redoleant, nec quid- « quam reperiri quod publicum cultum et venera- « tionem erga dictum Dei Servum quolibet modo « praeserferat, neque ullum indicium esse quod an- « teacto tempore cultus publici et ecclesiastici ar- « gumentum extitisse demonstrat » (4).
9. Quae cum ita se habeant, jure merito subdelegatus Iudex a Quebecensi Archiepiscopo, omnibus consideratis atque perpensis, suam edidit Sententiam nihil scilicet actum esse vel agi contra praescriptum et formam Decretorum sa. me. Urbani Papae VIII. circa publicum vetitumque cultum qui V. D. S. Francisco de Montmorency Laval minime praestatur:

(1) *Summ. ibid. pag. cit. § 42. - pag. 85 § 54. - pag. 89 § 68 alibique.*

(2) *Summ. Num. VIII. pag. 94 § 5 - pag. 95 § 8.*

(3) *Summ. pag. 96 § 12.*

(4) *Summ. pag. cit. § 13.*